



Jens Napātōk´
Inatsisartunut Ilaasortaq, Partii Naleraq

Oqaatsinut tunngatillugu § 37 naapertorlugu apeqqummut 06/2019 akissut

Asasara Jens Napātōk´

Inatsisartut suleriaasianni § 37 naapertorlugu oqaatsit pillugit Naalakkersuisunut apeqquteqarsimavutit, Apeqqutigisatit uannit akisassanngortinneqarsimapput. Apeqqutigineqartut tullinnguuttuni akissuteqarfignissavakka.

Apeqqut1: Naalagaaffiit Peqatigiit (FN) ilitsoqqussaralugu oqaatsit pillugit ukioq 2019 ukiorititaavoq. Taassumunnga atatillugu, Naalakkersuisut pisortatigoortumik iliuuseqarnissamut pilersaaruteqarpat?

Akissut: Aap, § 37 naapertorlugu apeqqummut akissut 052/2019 innersuussutigineqarpoq.

Apeqqut 2: Pisortatigoortumik oqaaserisaq kalaallisut, pisorta qarfinni tamani, ilaatigut Namminersorlutik Oqartussani, pisortat suliffe qarfiutaanni, kommuneni, kiisalu inuiaqatigiinni atugaanerulernissaat anguniarlugu qanoq Naalakkersuisut pilersaaruteqarpat?

Akissut: Oqaatsinut politikki pillugu Inatsisartut inatsisaanni nr. 7, 19. maj 2010-meersumi § 3, imm. 1-imi allassimavoq kalaallit oqaasii tassaasut Kalaallit Nunaanni pisortatigoortumik oqaatsit. Aalajangersakkami aamma erseqqissarneqarpoq kalaallit oqaasii pisortat ingerlatsineranni atorneqartussaasut. Tassunga peqatigitillugu § 3, imm. 3-mi aalajangersarneqarsimavoq danskit oqaasii pisortatigut ingerlatsinerami atorneqarsinnaasut, imm. 4-milu allassimalluni tuluit oqaasii allamiullu oqaasii allat pisariaqartitsineq malillugu atorneqarsinnaasut. Innuttaasut amerlanerusut ulluinnarni kalaallisut oqalussinnaalernissaat Naalakkersuisunit kissaatigineqarpoq. Tamannalu kissaat naammassineqassappat inuit ataasiakkaat kajumillutik suliniuteqarnerisa saniatigut, soorlu ilaatigut apeqqummut 3-mut akissummi allassimasutut assigiinngitsorpasuarunik suliniuteqartoqartariaqassaaq.

Apeqqut 3: Pisortatigoortumik oqaaseq, kalaallisut, atuarfe qarfinni, inuussutissarsiutiginiarlugulu ilinniarfinni, ingerlariaqqiffiusumik ilinniarfinni, ilisimatusarfimmi, assigisaanilu atugaanerulernissaa anguniarlugu Naalakkersuisut qanoq pilersaaruteqarpat?

Akissut:

Meeqqat atuarfiat:

Atuarfik pillugu Inatsisartut inatsisissaattut siunnersuummi nr. 15, 3. December 2012-meersumi § 9, imm. 1-imi allassimavoq atuartitsinerami oqaatsit tassaasut kalaallit qallunaallu oqaasii. § 9, imm. 2-mi allassimavoq atuartut oqaatsinik

07-02-2019
Suliap normua 2019 - 2746
Allakkat nr. 9928175

Postboks 1029
3900 Nuuk
Oqarsasuaat: : +299 34 50
00
Email: ikin@nanoq.gl
www.nanoq.gl

ilikkartinniarneqarnerannut ilaatillugu tuluit oqaasii aammattaaq ilinniartitsinermi atorneqarsinnaasut.

Taamaalilluni atuartitsinermi kalaallit oqaasii taamaallaat atorneqartussaaneri pillugit aalajangersagaqanngilaq. Kisianni inatsisit tunngavigalugit piumasaqaataavoq atuartitsinermi oqaatsit ataatsimit amerlanerusut atorneqassasut, taamaattorli qanoq annertutigisumik imaluunniit ilinniartitsissutinik atuartitsinerne sorlertni oqaatsit sorliit atorneqassanersut pillugit immikkut piumasaqaateqanngilaq.

Meeqqat atuarianni atuartut amerlanerpaartaannut kalaallit oqaasii ilitsoqqussaapput, taamaattumillu oqaatsinik ilisimasanillu ilinniarnerni qitiulluinnartuullutik. Taamaammata kalaallit oqaasii pingaarnertut atuartitsissutigineqarneri pissusissamisoorpoq.

Oqaatsinik ilikkagaqartarnerup pitsanngorsaavigineqarnissaa pillugu immikkut ilisimasalittut suleqatigiissitap Naalakkersuisut pilersissimasaata nalunaarusiaani meeqqat atuarianni oqaatsinik ilinniartitsissutini, matumani kalaallit oqaasiinik atuartitsinermut tunngatillugu maannakkut pissutsit erseqqissarneqarput. Perorsaanerup ilinniartitseriaatsillu ineriartortinnerisigut ilinniartitsissutip qanoq nukittorsarneqarsinnaaneranut tunngatillugu immikkut ilisimasalittut suleqatigiissitap nalunaarusiami assigiinngitsunik innersuussuteqarpoq.

Ullormi 18. - 20. marsi 2019-imi ilinniartitaanermut, Kultureqarnermut ilageeqarnermullu Naalakkersuisoqarfiup ilinniartitaanermut Aqutsisoqarfimmik suleqateqarneratigut arfinilissaanik Oqaatsit pillugit isumasioqatigiittoqassaaq. Oqaatsinut tunngatillugu suliatigut ilinniarsimasanut attuumassutillit isumasioqatigiinnermi peqataanerisigut atuartut kalaallisut piginnaasaat pisinnaasaallu nukittorsarniarlugit meeqqat atuarianni kalaallisut atuartitsinermi atuartitsinernullu tunngatillugu perorsaanermut ilinniartitseriaatsinullu aalajangersimasunik siunnersuusiortoqassaaq. Immikkut ilisimasalittut suleqatigiissitamit innersuussutigineqartut aallaavigalugit suliniuteqartoqassaaq.

Ataatsimut isigalugu meeqqat inuusuttullu oqaatsitigut nutaaliorlutik atuinernut tunngatillugu ajunnginnerusumik isumaqartoqarnissaa anguniarlugu atuariit ingerlatsinerannik, pingaartumik kalaallisut atuartitsinermik soqutiginninnerulersitsinissamik siunertaqartumik ilinniarfeqarfiit suliffeqarfiillu kulturimik suliaqartut tapersiinerisigut tusagassiutitigut paasititsiniaasoqartalissasoq, kalaallit oqaasii eqqarsaatigalugit perorsaanermut tunngatillugu innersuussutinut ilassutitut immikkut ilisimasalittut suleqatigiissitamit siunnersuutigineqarput. Oqaasileriffimmit paasititsiniaasoqarnissaa naatsorsuutigineqarpoq.

Meeqqat atuariat pillugu qarasaasianut tunngatillugu periusissiami 'Atuarfik Digitalisooq 2018 – 2019'-imi aammattaaq kalaallit oqaasiisa nukittorsarneqarnissaannut atatillugu suliniuteqarnissamut assigiinngitsunik siunnersuuteqarpoq. Assersuutigalugu 'qarasaasiat atorlugit aqqissuisarneq', paasissutissat aallaavigalugit ilinniartitsisarneq 'Grap-hoLearn'-ip kalaallisuunngortinnissaanut suliniut.

Inuusutissarsiuutigalugu ilinniartitaanerit:

Inuusutissarsiuutigalugu ilinniartitsinerne sapinngisamik kalaallit oqaasii atorneqassasut Naalakkersuisut kissaatigaat. Inuusutissarsiuutigalugu ilinniartitsinermut tunngatillugu

ilinniartitsisut kalaallisut marluinnilluunniit (kalaallisut danksisullu) oqaaseqartuuneri ilutigalugit inuussutissarsiuutigalugu ilinniarfinni atuartut pisariaqartitaannik annerusumik naaperiaasinnaassapput.

Ilinniarnertuunngorniarmiit:

Ilinniarnertuunngorniartut pinngitsooratik kalaallit oqaasiinik ilinniartinneqartussaanerisa saniatigut ilinniartitsissutini kalaallit oqaasii atorlugit ilinniartitsisarnerit amerliartuinnarput. Ilinniakkap annerusumik kalaallisut ingerlanneqarsinnaalernissaa aqutissiuunniarlugu oqaatsit qanoq ataqatigiinnerusumik atorneqarsinnaaneranut tunngatillugu ingerlaavartumik misissuisoqarpoq. Matumani aamma misilitsinnerni arlalinnik oqaaseqarfiusinnaasuni. Kalaallisut atuartitsisinnaasut ilinniartitsisut amerlanerulersimagaluartut ilinniarnertuunngorniarmilinniarfimi ilinniartitsisut suli amerlanersaat danskisut oqaaseqartuupput, taamaammallu atuartitsineq amerlanertigut danskisut ingerlanneqartarluni. Atuartitsissutit ingerlaavartumik ineriartortinneqarput, taakkulu ilinniarnertuunngorniarmiit kalaallisut atuartitsiviunerunissaannut tapertaallutik, aammattaaq oqaatsit allat takornartallu oqaasii eqqarsaatigalugit ilinniartitseriaaseq perorsaanerlu ingerlaavartumik ineriartortinneqarput.

Ilinniarnertuunngorniarmilinniarfimi atuartut amerliartornerat pissutigalugu ilinniarnertuunngorniarmiit ineriartorsimapput, tamatumalu kingunerisaanik ilinniartitsisunik amerlanerusunik atorfinitsitsisoqartariaqarsimavoq. Kandidatit ilinniarsimasut amerlanerujartuinnaraluartut taakkuninnga ilinniarnertuunngorniarmilinniarfimi pisariaqartitsinerit annertusineri pissutigalugit kalaallisut oqaasilinnik atorfinitsitsinissamut periarfissat eqqarsaatigalugit angummattoqarsinnaasimangilaq. Inuusuttut amerlanerusut nunatsinneersut ilinniarnertuunngorniarmilinniarfimi ilinniartitsisunngornissaminnut soqutiginninnerulernissaannik ilinniarnertuunngorniarmiit sisamat aamma ilinniartitaanermut, Kultureqarnermut Ilageeqarnermullu Naalackersuisoqarfik sulissuteqarput, aamma ilaatigut 'Ilinniarnertuunngorniarmilinniarfimi ilinniartitsisunngorit'-mik taaneqartoq aqutigalugu sulisussarsiorsimapput paasititsiniaasimallutillu, tassanilu assersuutigalugu Ilisimatusarfiup 2018-imi atorfinnik nittarsaassineranut peqataasoqarsinnaasimalluni. Siunissami paasititsiniaaneq ingerlanneqaannassaaq.

Ilinniartitaanerit ingerlaqqiffiusut:

Ilinniartitaanerni ingerlariaqqiffiusuni oqaatsit nukittorsarneqarnissaat pingaartinneqarpoq. Taamaammatt ullumikkut pisortatigut oqaatsit atorneqarnerannit suli annerusumik atorneqarnissaat anguniarlugu ilinniartut sulisullu oqaatsitigut piginnaangorsarnissaannut tunngatillugu neqeroorfigineqarnissaat sulissutigineqarpoq. Ingerlariaqqiffiusumik ilinniarfinni oqaatsit salliutinneqarnissaannik immaqalu ataqqineqarnerulernissaannik kissaateqartoqarpoq. Tassungalu ilanngullugu UKA 2018-imi Ilisimatusarfimmi malittarisassanik, ilaatigut Ilisimatusarfimmi oqaatsinut politikkimik imaqartussamik aalajangersakkamik saqqummiussisoqarpoq.

Apeqquut 4: Naalackersuisut pisortatigoortumik oqaaseq, kalaallisut, qanoq nukittorsarniarnissaannut pilersaaruteqarpat?

Akissut: Apeqquummut 3-mut akissutip innersuunnerata saniatigut kalaallit oqaasiisa nukittorsarneqarnissaat anguniarlugu Oqaasileriffiup sulianik pilersaarutinillu aallartitsisimanera eqqaaneqarsinnaavoq.

Apeqquut 5: Kalaallit Nunaanni pisortaqarfiit tamani akornaminni sulinermi, avammullu sullissinermi oqaatsit sorliit atugaraat?

Akissut: Kalaallisut danskisullu atorneqarput. Oqaatsinut politikki pillugu Inatsisartut inatsisaanni nr. 7, 19. maj 2010-meersumi § 3, imm. 1, 2, 3, 4-lu naapertorlugit tuluit oqaasii allamiullu oqaasii allat pisariaqartitsineq malillugu atorneqarsinnaapput.

Apeqquut 6: Inatsisartut inatsisaat nr. 21, 30. oktober 1998-imeersooq najoqqutaralugu, Inatsisartunut ilaasortat § 37 malillugu Naalakkersuisunut kalaallisuinnaq apeqquteqarneq ingerlanneqarsinnaatitaava?

Naalakkersuisut aalajangiisimanermut toqqammavissamik takussuteqaqqissaar-nissaannut peqquneqarput.

Akissut: Inatsisartut inatsisaani nr. 21, 30. Oktober 1998-imeersumi Inatsisartut suleriusissaat aalajangersarneqanngilaq. Taamaattumik Inatsisartunut ilaasortat § 37 naapertorlugu Naalakkersuisunut apeqquteqaateqaraangata kalaallit oqaasii taamaallaat atortassaneraat pillugu inatsit aalajangersagaqarani.

§ 37 naapertorlugu apeqquteqarnissamut tunngatillugu ilusiliinissamut piunasaqaatit Inatsisartut Suleriaasiat-ni allassimapput. Aammattaaq Inatsisartut nittartagaanni allassimavoq § 37 naapertorlugu apeqqut apeqqutit kalaallisut danskisullu tunniunneqartassasut:

https://ina.gl/dokumenter/paragraf37/spoergsmaal_til_naalakkersuisut/.

Taassuma saniatigut Inatsisartut maleruagassaat pillugu paasiniaanerit Inatsisartut Siullittaasoqarfianut innersuutissavakka.

Apeqquut 7: Pisortatigoortumik oqaaserisaq kalaallisut, pisortaqarfinni tamani, ilaatigut Namminersorlutik Oqartussani, pisortat suliffeqarfiutaanni, kommuneni, namminersortumik ingerlatsisuni, inuiaqatigiinnilu tamani qanoq Naalakkersuisut aningaasartuutitigut kinguneqarnissaa naatsorsuutigaat?

Akissut: Kalaallit Nunaanni Namminersorlutik Oqartussat pillugit inatsimmi § 20-mi aamma Oqaatsinut politikki pillugu Inatsisartut inatsisaanni nr. 7, 19 maj 2010-meersumi § 3, imm. 1-imi allassimapput kalaallit oqaasii pisortatigoortumik oqaasiusut. Aammattaaq inatsisissatut siunnersuummut nassuiaatini allassimavoq danskit oqaasii pisortatigut ingerlatsinermi atorneqaannarsinnaassasut, aamma pisortatigut ingerlatsinermi suliassanik sularinnittarneq pillugu inatsisartut inatsisaat takuuk, pisortatigut attaveqatigiinnerit tamarmik kalaallisut ingerlanneqartarput. Peqatigitillugu atortussat qallunaatut saqqummersinneqartarput.

Aningaasaqarnikkut kingunerisassat erseqqissarnissaat eqqarsaatigalugit misissueqqissaarutit naatsorsukkallu apeqquteqartup ujartugai Naalakkersuisut piginnigilaat. Tamanna peqqutigalugu aningaasaqarnikkut kingunerisassat apeqqutikkut ujartorneqartut Naalakkersuisut nalunaarutigisinnaanngilaat.

Apeqqutigineqartumut allamik ilassutissaqanngilanga.

Apeqquut 8: Kalaallit Nunaanni pisortatigoortumik oqaatsit tamakkiisumik pisortaqarfinni atulernissaannut Naalakkersuisut pilersaaruteqarpat? Pilersaaruteqassappat periusissaq piffissarititaasullu taakkartoqquneqarput.

Akissut: Oqaatsinut politikki pillugu Inatsisartut inatsisaanni nr. 7, 19. maj 2010-meersumi § 3, imm. 1-imi aalajangersarneqarsimavoq Kalaallit oqaasii Kalaallit Nunaanni pisortatigoortumik oqaasiusut pisortatigullu ingerlatsinermi atugaasut. Tamanna inatsisitigut pisussaaffiuvoq, taamaammallu malinneqartariaqarluni.

Inussiarnersumik inuulluaqqusilluta
Med venlig hilsen


Ane Lone Bagger